

## Izveštaj o radu Uprave policije MUP-a Kantona Sarajevo za mjesec novembar 2018. godine

### KRIMINALITET

#### OSNOVNI STATISTIČKI POKAZATELJI KRIMINALITETA

U mjesecu novembru 2018. godine, na području Kantona Sarajevo registrovana su 343 krivična djela što je za 98 ili 22,2% manje u odnosu na isti mjesec prethodne godine.

Od ukupnog broja registrovanih krivičnih djela, 196 ili 57,1% izvršeno je od strane poznatih, a 147 ili 42,9% od strane nepoznatih izvršilaca.

Za 53 djela ili 36,1% od ukupnog broja krivičnih djela prijavljenih po nepoznatom izvršiocu, naknadno je identifikovan osumnjičeni izvršilac, od čega je 29 krivičnih djela iz izvještajnog, a 24 iz ranijeg perioda.

Iz naprijed navedenog proizilazi da su službenici Uprave policije MUP-a KS u mjesecu novembru 2018. godine za ukupno 249 krivičnih djela ili 72,6%, identifikovali osumnjičene izvršioce, što je za 8,9% više u odnosu na isti mjesec prethodne godine.

Zbog postojanja osnova sumnje da su počinili krivična djela prijavljeno je 246 lica (14 ili 5,4% manje), od čega su 144 povratnika (37 ili 20,4% manje) u izvršenju krivičnih djela (ili 58,5% od ukupnog broja lica), deset maloljetnika (sedam ili 233,3% više), a 101 lice je lišeno slobode (četiri ili 3,8% manje).

Pregled kriminaliteta na području Kantona Sarajevo u mjesecu novembru 2018/17. godine  
osmatrano po glavama KZFBiH-a

KRIVIČNA DJELA	novembar 2018.	novembar 2017.	uporedba br.KD		„rasvijetljenost“ novembar 2018.	
			+ / -	%	br. KD	%
Protiv života i tijela	28	19	9	47,4%	23	82,1%
Protiv slobode i prava čovjeka i građanina	24	19	5	26,3%	24	100%
Protiv spolne slobode i morala	2	4	-2	-50%	1	50%
Protiv braka, porodice i mladeži	21	22	-1	-4,5%	21	100%
Protiv zdravlja ljudi	46	50	-4	-8%	46	100%
Protiv privrede, poslovanja i sigurnosti plat.	1	2	-1	-50%	1	100%
Protiv imovine	181	265	-84	-31,7%	93	51,4%
Protiv opće sigurnosti ljudi i imovine	4	5	-1	-20%	4	100%
Protiv sigurnosti javnog prometa	8	16	-8	-50%	8	100%
Protiv pravosuđa	2	0	2	---	2	100%
Protiv javnog reda i pravnog prometa	21	29	-8	-27,6%	21	100%
Protiv podmićivanja i krivična djela protiv službene i druge odgovorne funkcije	0	4	-4	---	0	---
Protiv sistema elektronske obrade podataka	0	1	-1	---	0	---
ZONDINOIM-a (Sl.novine KS br.01/18)	5	5	0	isto	5	100%
<b>UKUPNO</b>	<b>343</b>	<b>441</b>	<b>-98</b>	<b>-22,2%</b>	<b>249</b>	<b>72,6%</b>

U mjesecu novembaru 2018. godine u odnosu na isti mjesec prethodne godine, zabilježeno je značajno smanjenje broja registrovanih krivičnih djela i to za 98 ili 22,2%. Najznačajnije smanjenje je zabilježeno u oblasti protiv imovine (za 84 djela), sigurnosti javnog prometa (za osam) javnog reda i pravnog prometa (za osam), zdravlja ljudi (za četiri), itd., dok je povećanje evidentirano u oblasti protiv života i tijela (za devet), slobode i prava čovjeka i građanina (za pet) i pravosuđa (za dva djela).

## PREGLED KRIVIČNIH DJELA PO OBLASTIMA

### KRIVIČNA DJELA PROTIV ŽIVOTA I TIJELA

Tokom mjeseca novembra 2018. godine u ovoj oblasti evidentirano je 28 krivičnih djela (devet više u odnosu na novembar 2017. godine), i to: ubistvo u pokušaju - tri djela (nije bilo ovih djela u uporednom mjesecu), teška tjelesna ozljeda – osam (jedno više), lahka tjelesna ozljeda – 16 (sedam više) i učestvovanje u tuči - jedno djelo (isti broj djela).

Ukupno su rasvijetljena 23 djela iz ove oblasti (ili 82,1%), a zbog postojanja osnova sumnje da su ih počinili, nadležnom tužilaštvu podneseni su službeni izvještaji protiv 26 lica, od kojih je 19 povratnika ili 73,1%, a pet je lišeno slobode.

### KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirana su 24 krivična djela (pet više) i to: ugrožavanje sigurnosti - 23 i narušavanje nepovredivosti doma - jedno djelo za čije izvršenje je prijavljeno 26 lica.

Krivična djela ugrožavanja sigurnosti počinjena su upućivanjem verbalnih prijetnji, pisanjem poruka prijetećeg sadržaja i sl. bez težih posljedica po oštećene.

### KRIVIČNA DJELA PROTIV BRAKA, PORODICE I MLADEŽI

U izvještajnom mjesecu evidentirano je 21 djelo (jedno manje) i to: nasilje u porodici - 20 i zapuštanje ili zlostavljanje djeteta ili maloljetnika - jedno djelo. Zbog postojanja osnova sumnje da su počinili ova djela prijavljeno je 21 lice, a 16 je lišeno slobode.

### KRIVIČNA DJELA PROTIV ZDRAVLJA LJUDI

Prijavljeno je 46 krivičnih djela iz oblasti protiv zdravlja ljudi (četiri manje) i to:

- neovlašćena proizvodnja i stavljanje u promet opojnih droga (čl. 238. KZ FBiH) – pet,
- posjedovanje i omogućavanje uživanja opojnih droga (čl. 239. KZ FBiH) – 41-no djelo.

Zbog postojanja osnova sumnje da su počinili navedena djela podneseni su službeni izvještaji protiv 48 lica , a 28 je lišeno slobode.

*Policijski službenici Uprave policije su Kantonalnom tužilaštvu Sarajevo podnijeli službene izvještaje protiv sedam lica zbog postojanja osnova sumnje da su u proteklom periodu u više navrata kupovali opojnu drogu „Marihuanu“, „Amfetamin“, itd. od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), te protiv 41-nog lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga (“Marihuana”, “Amfetamin”, “Heroin”, itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).*

Pregled oduzete količine opojnih droga u mjesecu novembru 2018/17. godine

Vrsta opojne droge	novembar 2018. godine	novembar 2017. godine
Marihuana (u gramima)	<b>980</b>	1.495
Marihuana (paketići)	<b>6</b>	67
Marihuana (JOINT - cigarete)	---	4
Heroin (paketići)	<b>2</b>	---
Amfetamin (paketići)	<b>4</b>	3
Amfetamin (u gramima)	<b>1075</b>	101,5
Kokain (paketići)	---	5
Ecstasy (tablete)	<b>98</b>	---
Pribor sa ostacima droge	<b>3</b>	5

Takođe s ciljem pronalazaženja narkotičkih sredstava izvršen je pretres 15 lica kao i 12 stambenih objekata i automobila po usmenim naredbama Opštinskog suda u Sarajevu.

#### KRIVIČNA DJELA PROTIV IMOVINE

U ovom mjesecu, registrovano je 181-no krivično djelo protiv imovine, što je za 84 djela ili 31,7% manje u odnosu na isti mjesec prošle godine. Među djelima iz ove oblasti najbrojnije su: teške krađe – 102 djela (47 manje), zatim krađe – 26 (11 manje), razbojništvo – 19 (28 manje), oštećenje tuđe stvari – 16 (jedno manje), utaja – pet (dva više), teška krađa u pokušaju - četiri (jedno manje), prikrivanje – dva (nije bilo ovih djela), itd.

Za ukupno 93 djela ili 51,4% identifikovan je osumnjičeni izvršilac što je za 10,6% veća rasvijetljenost imovinskih delikata u odnosu isti mjesec prethodne godine.

Kada su u pitanju teške krađe, prema objektu izvršenja najbrojniji su bili stambeni objekti - 63 (10 manje), zatim slijede poslovni prostori - 17 (16 manje), motorna vozila (otuđenja pmv i “provale” u ista) - 16 (29 manje), itd.

Na području Kantona Sarajevo u mjesecu novembru ove godine izvršeno je osam krivičnih djela teških krađa motornih vozila što u odnosu na uporedni mjesec, predstavlja značajno smanjenje i to za 21-no vozilo ili 72,4%.

Tokom izvještajnog mjeseca pronađeno je i vraćeno 12 motornih vozila (sedam vozila je otuđeno u ranijem periodu). Od strane Uprave policije MUP-a KS vraćeno je pet vozila, MUP-a RS-a - šest i vlasnici su pronašli – jedno vozilo).

Zbog postojanja osnova sumnje da su učestvovali u otuđenju motornih vozila nadležnom tužilaštvu podnijeli službene izvještaje protiv tri lica (četiri manje).

Prijavljeno je 26 krivičnih djela krađe (11 manje), koja su izvršena 11 puta u poslovne prostorije, šest u stambe objekte, tri puta u vozila i na stajalištima GRAS-a, pet puta na ulici, itd., odakle su otuđivani novčanici, tehnička roba, alati, građevinski materijal, prehrambeni proizvodi, itd.

Evidentirano je pet krivičnih djela teških krađa na naročito opasan ili naročito drzak način (jedno više), u kojima su izvršioc, upotrebom fizičke snage, otimali mobitele, tašne i novac. Ova djela izvršena su na ulici četiri puta i jednom u stubištu stambene zgrade.

Zbog postojanja osnova sumnje da su počinili ova krivična djela nadležnom tužilaštvu podneseni su službeni izvještaji protiv tri lica koja su lišena slobode i uz službeni izvještaj predata nadležnom tužilaštvu.

U izvještajnom mjesecu, registrovano je 19 krivičnih djela razbojništva (28 manje), od čega je za osam ili 42,1% identifikovan osumnjičeni izvršilac (što je za 0,5% manje u odnosu na uporedni mjesec).

Razbojništva su izvršena prijetnjom upotrebe vatrenog oružja - 10 puta, prijetnjom upotrebe noža ili drugog oštrog predmeta – pet i upotrebom fizičke snage – četiri puta, a počinjena su u prodavnicama – sedam puta, u sportskim kladionicama – šest i na ulici - šest puta. Otudivan je novac i mobiteli.

Zbog postojanja osnova sumnje da su počinili ova krivična nadležnom tužilaštvu podneseni su službeni izvještaji protiv osam lica, od kojih su četiri povratnika u činjenju krivičnih djela, a pet ih je lišeno slobode.

#### KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirana su četiri djela (jedno manje) i to: izazivanje opće opasnosti - tri i teška krivična djela protiv opće sigurnosti ljudi i imovine - jedno djelo. Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv četiri lica, koja su lišena slobode.

#### KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 21-no krivično djelo (osam manje) i to: nasilničko ponašanje – sedam djela (sedam manje), krivotvorenje isprave - šest (četiri više), nedozvoljeno držanje oružja ili eksplozivnih materija - četiri (jedno manje), napad na službenu osobu u vršenju poslova sigurnosti – dva (dva manje), sprječavanje službene osobe u vršenju službene radnje i ovjeravanje neistinitog sadržaja - po jedno djelo.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 24 lica (12 manje), od kojih je 10 povratnik (ili 41,71%), a dva su lišena slobode.

#### KRIVIČNA DJELA POČINJENA OD STRANE MALOLJETNIH LICA

U toku mjeseca novembra 2018. godine prijavljeno je 10 maloljetnih lica zbog osnova sumnje da su počinili pet krivičnih djela. U odnosu na isti mjesec prethodne godine, broj prijavljenih maloljetnih učinilaca povećan je za sedam ili 233,3%, a broj krivičnih djela koja su izvršili ostao je isti.

Šest maloljetnika su u dobi između 14 i 16 godina, četiri u dobi od 16 do 18 godina, dok su tri maloljetnika (ili 30%) povratnici u izvršenju krivičnih djela.

Maloljetnici su prijavljeni za izvršenje dva krivična djela ugrožavanje sigurnosti, teška tjelesna ozljeda, napad na službenu osobu u vršenju poslova sigurnosti i nasilničko ponašanje – po jedno djelo.

#### OSTALA PROTIVPRAVNA I ASOCIJALNA PONAŠANJA

##### AKTIVIRANJE MINSKO-EKSPLOZIVNIH SREDSTAVA

U toku mjeseca novembra 2018. godine nije bilo registrovanih aktiviranja minsko-eksplozivnih sredstava (u novembru 2017. godine jedan slučaj).

U proteklom mjesecu nije bilo evidentiranih anonimnih dojava o postavljanju eksplozivnih naprava (u novembru 2017. godine - dvije).

## POŽARI

Tokom mjeseca novembra 2018. godine, na području Kantona Sarajevo registrovano je sedam požara (devet manje), koji su za posljedicu imali materijalnu štetu.

Prema statističkim pokazateljima, tri požara su izazvana namjerno, jedan nehatom, dok uzroci tri požara spadaju u kategoriju ostalih.

Zbog izazivanja požara nadležnom tužilaštvu podnesena su dva službena izvještaja zbog počinjenog krivičnog djela izazivanje opće opasnosti.

## SAMOUBISTVA

U mjesecu novembru 2018. godine na području Kantona Sarajevo registrovano je pet samoubistava (tri više), koja su počinjena: vješanjem – dva puta, upotrebom vatrenog oružja, trovanjem i skokom sa visine – po jednom.

Izvršioi samoubistava su četiri muškarca i jedna žena: u dobi preko 50 godina – tri lica, u dobi od 30 do 40 i od 40 do 50 godina – po jedno lice.

## JAVNI RED I MIR

Tokom mjeseca novembra 2018. godine zbog raznih oblika narušavanja javnog reda i mira izrečeno je 388 prekršajnih sankcija (uručeno naloga - 278, za pokretanja prekršajnog postupka zahtjeva - 110), što je u odnosu na isti mjesec 2017. godine povećano za 63 ili 19,4%. Prekršajne sankcije su preduzete protiv 438 lica (70 ili 19% više).

Od ukupnog broja prekršajnih sankcija, 33 se odnosi na lica koja su i ranije činila prekršaje (povratnici). Prema starosnoj strukturi lica koja su činila prekršaje, najbrojniji su starosne dobi preko 36 godina (264), zatim između 26 i 35 (106) i između 19 i 25 godina (62), dok je šest maloljetnih lica.

Prema broju prekršajnih sankcija, najbrojniji su prekršaji učinjeni prosjačenjem - 120 ili 30,9% od ukupnog broja, dok je znatno manje sankcija preduzeto zbog prekršaja učinjenih naročito drskim ponašanjem - 58 ili 14,9%, tučom - 54 ili 13,9%, te svađom, vikom i nepristojnim ponašanjem – 29 ili 7,5% i odbijanjem naređenja i omalovažavanjem policijskih službenika - 24 ili 6,2%, a zbog ostalih prekršaja preduzete su 64 prekršajne sankcije. Zbog prekršaja utvrđenih Odlukom općinskih vijeća uručeno/podneseno je 39 naloga i zahtjeva.

Tabelarni pregled strukture prekršaja iz oblasti javnog reda i mira za novembar 2018/2017. godine

STRUKTURA PREKRŠAJA	novembar 2018.	novembar 2017.	+ - %
UKUPNO prekršajnih naloga i zahtjeva za ppp	388	325	63 ili 19,4%
UKUPNO lica	438	368	70 ili 19%
Prekršaji prema Zakonu o prekršajima protiv JRiM:	349	314	35 ili 11,1%
<i>-Tuče</i>	54	42	12 ili 28,6%
<i>-Naročito drsko ponašanje</i>	58	60	-2 ili 3,3%
<i>-Odbijanje naređenja i omalovažavanje pol. služb.</i>	24	22	2 ili 9,1%
<i>-Prosjačenje</i>	120	106	14 ili 13,2%
<i>-Svađa, vika, nepristojno ponašanje</i>	29	10	19 ili 190%
<i>-Paljenje petardi</i>	0	0	---
<i>-Neovlaštena upotreba oružja</i>	0	1	-1
<i>-Ostali prekršaji</i>	64	73	-9 ili 12,3%
Ukupno naloga/ zahtjeva prema Odluci o.v. o JRM	39	11	28 ili 254,5%

U odnosu na isti mjesec 2017. godine, smanjen je broj prekršaja naročito drskog ponašanja (za dva), neovlaštene upotrebe oružja (za jedan) u oblasti ostali prekršaji (za devet), dok je broj svih ostalih prekršaja povećan.

Prema mjestu izvršenja, a na osnovu broja uručenih prekršajnih naloga i podnesenih zahtjeva za pokretanje prekršajnog postupka, najveći broj prekršaja učinjen je na ulici i na drugim otvorenim prostorima – 345 ili 88,9%, a znatno manje u ugostiteljskim objektima – 20, u vozilima javnog saobraćaja (tri), u školama i na sportskim terenima – po dva, trgovinskim radnjama - jedan, dok je na ostalim mjestima registrovano 15 prekršaja.

U odnosu na isti mjesec 2017. godine, smanjen je broj prekršaja izvršenih u školama i školskim dvorištima, kao i na ostalim mjestima, broj prekršaja izvršenih na sportskim stadionima i dvoranama i u trgovinskim radnjama ostao je isti, dok je broj prekršaja učinjenih na svim ostalim mjestima povećan.

Prilikom narušavanja javnog reda i mira u proteklom mjesecu, nije bilo teže povrijeđenih (kao ni u istom mjesecu 2017. godine), dok je lakše povrijeđeno 14 lica (dva više).

Na području Kantona Sarajevo u mjesecu novembru 2018. godine održana su 232 javna skupa (27 ili 10,4% manje u odnosu na novembar 2017. godine). Policijski službenici su proveli planske aktivnosti na osiguranju javnih skupova, koji su protekli bezbjedno, dok je u 31 slučaju izvršeno KDZ osiguranje.

## SAOBRAĆAJ

Na području Kantona Sarajevo u mjesecu novembru 2018. godine u odnosu na isti mjesec prethodne godine smanjen je ukupan broj saobraćajnih nezgoda, broj nezgoda sa materijalnom štetom, sa nastradalim licima i broj povrijeđenih lica, dok je broj poginulih lica povećan.

Registrovane su 634 saobraćajne nezgode (254 ili 28,6 % manje), od čega je 585 sa materijalnom štetom (242 ili 29,3 % manje) i 49 sa nastradalim licima (12 ili 19,7 % manje). U navedenim nezgodama dva lica su poginula, a 66 je povrijeđeno.

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO  
ZA MJESEC NOVEMBAR 2018/17. GODINA

	NOVEMBAR 2018	NOVEMBAR 2017	uporedba	
			+,-	%
<b>UKUPAN BROJ SAOBRAĆAJNIH NEZGODA</b>	634	888	<b>-254</b>	<b>-28,6 %</b>
SAOBRAĆAJNE NEZGODE SA NASTRADALIM LICIMA	49	61	<b>- 12</b>	<b>- 19,7 %</b>
SAOBRAĆAJNE NEZGODE SA MATERIJALNOM ŠTETOM	585	827	<b>- 242</b>	<b>-29,3 %</b>
<b>POGINULO LICA</b>	2	1	<b>+ 1</b>	<b>+ 100 %</b>
- vozači	1	0	<b>+ 1</b>	<b>-----</b>
- putnici	1	0	<b>+1</b>	<b>-----</b>
- pješaci	0	1	<b>- 1</b>	<b>-----</b>
<b>POVRIJEĐENO LICA</b>	66	75	<b>- 9</b>	<b>- 12 %</b>
- vozači	26	49	<b>-23</b>	<b>- 46,9 %</b>
- putnici	19	16	<b>+ 3</b>	<b>+ 18,7 %</b>
- pješaci	21	10	<b>+ 11</b>	<b>+ 110 %</b>

U naselju je registrovano 576 saobraćajnih nezgoda (42 sa povrijeđenim licima i 534 sa materijalnom štetom), van naselja 58 nezgoda (jedna sa poginulim, šest sa povrijeđenim licima i 51 sa materijalnom štetom).

Evidentirane su 84 saobraćajne nezgode na raskrsnicama u naselju, 16 na raskrsnicama van naselja, 15 na pješačkim prelazima i 519 saobraćajnih nezgoda čije se karakteristike puta ubrajaju u kategoriju ostalih.

TABELARNI PREGLED SAOBRAĆAJNIH NEZGODA I POSLEDICE NA PODRUČJU KANTONA SARAJEVO  
U MJESECU NOVEMBRU 2018. GODINE

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSljedICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju		7	35	534	<b>576</b>		7	49
van naselja	1		6	51	<b>58</b>	2	2	8
<b>UKUPNO</b>	<b>1</b>	<b>7</b>	<b>41</b>	<b>585</b>	<b>634</b>	<b>2</b>	<b>9</b>	<b>57</b>

POSljedICE SAOBRAĆAJNIH NEZGODA

Tokom mjeseca novembra 2018. godine, u saobraćajnim nezgodama na području Kantona Sarajevo nastradalo je ukupno 68 lica (osam ili 10,5 % manje).

TABELARNI PREGLED NASTRADALIH LICA (poginula, teško i lakše povrijeđena) U SAOBRAĆAJNIM NEZGODAMA ZA MJESEC  
NOVEMBAR 2018/17. GODINE

učesnici u saobraćaju	Novembar 2018. godine	Novembar 2017. godine	uporedba	
			+/-	%
vozači	<b>27</b>	49	- 22	- 44,9 %
putnici	<b>20</b>	16	+ 4	+25 %
pješaci	<b>21</b>	11	+ 10	+ 90,9 %
<b>UKUPNO</b>	<b>68</b>	76	- 8	- 10,5 %

Dva lica su poginula<sup>1</sup> (jedno više), dok je 66 lica povrijeđeno (devet manje), od čega devet teže (dva više) i 57 lakše (11 manje).

Kada je u pitanju stepen povreda, četiri vozača su teže, a 22 lakše povrijeđena, tri putnika su teže, a 16 lakše povrijeđeno, dok su dva pješaka teže, a 19 lakše povrijeđeno.

**Starosna struktura nastradalih osoba** u saobraćajnim nezgodama je slijedeća:

- do 17 godina – osam lica,
- od 18 do 30 godina - 14,
- od 31 do 40 godina – 16,
- od 41 do 50 godina – 12,
- od 51 do 65 godine – osam lica, itd.

**Starosna struktura nastradalih vozača** u saobraćajnim nezgodama je slijedeća:

- od 18 do 23 godine – dva lica,
- od 23 do 30 godina – četiri,
- od 30 do 40 godina – 10,
- od 40 do 50 godina – sedam,
- od 50 do 60 godina – tri lica, itd.

Prema **kategoriji puta**, najveći broj saobraćajnih nezgoda registrovan je:

- na ulicama u naselju – 502 nezgode u kojima su 34 lica povrijeđena,
- na magistralnim putevima – 48 (dva lica poginula, a 16 povrijeđeno),
- na lokalnim putevima – 29 (dva lica povrijeđena),
- na regionalnim putevima – 27 (sedam lica povrijeđeno),
- na putevima koji se ubrajaju u kategoriju ostalih – 28 saobraćajnih nezgoda (sedam lica povrijeđeno).

#### UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih – 512 (dva lica poginulo, a 42 lica povrijeđena, sedam teže i 35 lakše),
- neprilagođena brzina - 101 (22 lica povrijeđena, dva teže i 20 lakše),
- uticaj alkohola – 21 nezgoda (dva lica lakše povrijeđena).

#### AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca novembra 2018. godine, policijski službenici Uprave policije MUP-a Kantona Sarajevo kontrolisali su ukupno 19.329 vozila (3.769 manje), 5.329 lica u vozilima (985 manje), izvršen je pregled 205 vozila (šest manje) i 162 lica u vozilima (65 manje).

Zbog tehničke neispravnosti iz saobraćaja su isključena 32 vozila (sedam više), 349 vozača je zatečeno da upravljaju vozilom pod dejstvom alkohola (114 više), 289 bez korištenja sigurnosnog pojasa (132 manje), 141 bez položenog vozačkog ispita (52 više), 60 pod izrečenom zaštitnom mjerom (19 više), 365 vozača je zatečeno da koriste mobilne telefone tokom vožnje (25 više) i 244 vozila su učestvovala u saobraćaju bez važeće registracije (27 više).

Zbog kršenja propisa iz oblasti sigurnosti saobraćaja uručena su 16.482 prekršajna naloga vozačima (209 ili 1,2 % manje u odnosu na novembar prošle godine) i podneseno 48 zahtjeva za pokretanje prekršajnog postupka (102 ili 68 % manje).

#### MIRUJUĆI SAOBRAĆAJ I KONTROLA PJEŠAKA

Policijski službenici Uprave policije MUP-a KS su i tokom mjeseca novembra 2018. godine planirali i kontinuirano provodili aktivnosti po pitanju saobraćaja u mirovanju i kontrole kretanja pješaka.

Vozačima koji su vozila nedozvoljeno parkirali na javnim površinama, uručena su 6.392 prekršajna naloga (462 manje), upozorena su 353 vozača (173 manje), a specijalnim vozilom “pauk” premješteno je 165 vozila (192 manje).

Takođe, pješacima koji su kršili saobraćajne propise uručena su 152 prekršajna naloga (118 manje), a upozoreno je 40 pješaka (67 manje).

#### ZAKONITOST U RADU

Tokom mjeseca novembra 2018. godine, registrovan je jedan napad (tri manje) na policijskog službenika. U napadu je učestvovalo jedno maloljetno lice koje je lišeno slobode.

Policijski službenici Uprave policije su tokom mjeseca novembra 2018. godine u tri slučaja (jedan manje) opravdano upotrijebili silu.



Tokom mjeseca novembra 2018. godine, razmatrana je 31 predstavka na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za osam predstavki provede unutrašnja istraga, za 18 predstavki je odlučeno da se izvrše provjere i prikupi dokumentacija, dok je za pet predstavki utvrđeno da nema osnova za provođenje unutrašnjih istraga. Od ukupno 31- ne razmatrane predstavke, 26 je podneseno od strane građana, a pet predstavki predstavljaju saznanja iz službe. Okončano je 12 unutrašnjih istraga, među kojima je pet osnovanih, četiri su neosnovane, dok u tri slučaja nije bilo dovoljno dokaza.

## **AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE**

U izvještajnom mjesecu evidentirano je pet djela regulisanih ZONDINOIM-om (isti broj) počinjenih od strane pet lica.

U sklopu aktivnosti na oduzimanju nelegalno posjedovanog oružja i drugih predmeta oduzeto je: pet pištolja, jedna puška, tri „noža, mača i sl.“, 167 komada municije raznog kalibra, itd.

U mjesecu novembaru ove godine fizičkim licima izdato je 66 odobrenja za nabavku vatrenog oružja (šest više) i 105 oružnih listova (osam više).

## **RAD POLICIJE U ZAJEDNICI**

U okviru Rada policije u zajednici u toku novembra 2018. godine obavljane su brojne aktivnosti s ciljem što efikasnije povezanosti i partnerstva policije i lokalne zajednice. S tim u vezi, održavani su redovni sastanci i kontakti sa nadležnim strukturama, kao i sa policijskim službenicima zaduženim za ovu oblast. Sagledavano je stanje u oblasti rada policije u zajednici u funkciji redovnog policijskog rada, ostvarivan neposredan uvid u stanje i rezultate, te sagledavane mogućnosti i pravci daljeg rada i što kvalitetnijeg obavljanja poslova i zadataka policije u zajednici ovog domena rada.

Cilj partnerstva policijskih službenika jeste održanje stanjamira, sigurnog okruženja i prosperiteta za sve članove zajednice, gdje se može reći da rad policije u zajednici konkretno predstavlja proaktivni rad policije u zajednici, otvorenu komunikaciju sa građanima, preduzećima, školama, mjesnim zajednicama i drugim institucijama a sve s ciljem kako bi se dugoročno povećala sigurnost i osjećaj sigurnosti svih građana Kantona Sarajevo.

S tim u vezi preduzimane su, između ostalog, sljedeće aktivnosti:

Policijski službenici Uprave policije MUP-a KS - "policajci u zajednici" učestvovali su u velikom broju projekata i aktivnosti koje su se provodile u školama na području Kantona i to: manifestacija "Gimnazijada", "Mali svijet poslova", zatim edukacije i predavanja na teme "Upozorenja na opasnost od mina", "Stop međuvršnjačkom nasilju", "Lopov uvijek bude otkriven", "Sigurnost djece u saobraćaju", "Uklanjanje grafita - Zona bez grafita", itd.

Policijski službenici - "policajci u zajednici" učestvovali su programu rada radionice pod nazivom "Praksa rada sa djecom po odredbama Zakona o zaštiti i postupanju sa djecom i maloljetnicima u krivičnom postupku FBIH-a" koja je organizovana od strane Centra za istraživanje politike suprostavljanju kriminaliteta u sklopu projekta "Pravda za svako dijete" koji je podržan od UNICEF-a.

Policijski službenici - "policajci u zajednici" su u okviru realizacije projekta "Rastimo bezbjedno s policijom" aktivno učestvovali na "Petom dječijem sajmu" koji je održan u periodu od 16-18. novembra u prostorijama KSC Skenderija.

Dana, 20.11.2018. godine održana je kampanja u okviru projekta "Stop nasilju u porodici" u organizaciji ICITAP-a, povodom Međunarodnog dana protiv nasilja u porodici u prostorijama "TC SCC"-a.

**Sarajevo, 17.12.2018.godine**

**Odjeljenje za odnose sa javnošću**